

Malagasy Protestant Church in France
Madegassische Protestantische Kirche in Frankreich

Eglise Protestante Malgache en France

Fiangonana Protestanta Malagasy aty Andafy

Siège national
47 rue de Clichy
75009 Paris
Tél. 01 45 96 03 05



Advento voalohany

Alahady 03 décembre 2023

Fanompoam-pivavahana sy Fandraisana

Mitarika : Mpitandrina RASOANIRINA Nina Raharinoro

Feon-javamaneno hidiran'ny Mpitandrina sy ireo manana anjara

(mitsangana)

Mpitarika : AMIN'NY ANARAN'ANDRIAMANITRA RAY SY NY ZANAKA ARY NY FANAHY MASINA. Amena !

FIFAMPIARAHABANA APOSTOLIKA

FIANTSOANA

Hira : FFPM 20 (Tsaroanay tokoa izao !)

VAVAKA FIHAONANA

(Mipetraka)

SITRAPON'ANDRIAMANITRA

FIAIKEN-KELOKA (Vavaka)

Mpitarika sy ny Fiangonana : Ry Rainay be famindrampo ô, mitalaho Aminao izahay, mamelà ny helokay. Diovy izahay ho afa-pahotana. Sasao izahay mba ho afa-keloka. Ary havaozy ny fanahinay, mba ho vonon-kanompo Anao. Ny fitiavan'i Jesoa Kristy Zanakao, Mpamonjy anay no angatahanay

Aminao. Amen !

Hira fifonana : FFPM 501, 1-2 (Namely mafy loatra !)

(Mitsangana)

TENY FAMELAN-KELOKA SY FIHAVANANA

Mpitarika : Tenin’ny Soratra Masina

Fiangonana : AMENA !

FANKALAZANA

Mpitarika : VONINAHITRA ANY AMIN’NY AVO INDRINDRA HO AN’ANDRIAMANITRA !

Fiangonana : ARY FIADANANA HO ETY AMBONIN’NY TANY, AMIN’NY OLONA ANKASITRAHANY !

Hira : FFPM 476, 2-3 (Ny eo akaikinao ry Ray, no herin-janakao !)

(Mipetraka)

Feon-javamaneno fohy

FAMAKIANA NY TENIN’ANDRIAMANITRA

Hira : FFPM 786,1-2 (Ny Teninao Jehovah, izay ianaranay !)

Mpitarika : HO AMINAREO ANIE NY TOMPO !

Fiangonana : ARY HO AMIN’NY FANAHIHINA !

VAVAKA FANGATAHANA NY FANAHY MASINA

TESTAMENTA TALOHA : *Isaia (Ésaïe) 63,16-64,7*

EPISTILY : *I Korintiana (1 Corinthiens) 1,3-9*

(Mitsangana)

FILAZANTSARA : *Marka (Marc) 13,33-37*

Fiangonana : ISAORANA ANIE NY TOMPO, NOHO NY FILAZANTSARA !

FANEKEM-PINOANA APOSTOLIKA

Hira : FFPM 786,4 (Irinay mba hihombo, izay ianaranay !)

Vavaka

(Mipetraka)

TORITENY

Antokom-pihira (Chorale)

Feon-javamaneno fohy

FANDRAISANA NY FANASAN'NY TOMPO

Hira : FFPM 475, 1-4 (Jeso Mpamonjy, Mpiandry tokoa !)

Mpitarika : HO AMINAREO ANIE NY TOMPO !

AOKA HIZARA NY FIADANANA ISIKA,

Fiangonana : HO AMINAO ANIE NY TOMPO ! ARY HO AMINAO KOA !

(Mitsangana)

Sursum Corda

Mpitarika : Asandrato ny fonareo ho eo amin'ny Tompo !

Fiangonana : ASANDRATRAY NY FONAY HO EO AMIN'NY TOMPO !

Mpitarika : Aoka ho deraintsika ny Tompo Andriamanitra !

Fiangonana : MENDRIKA HO DERAINA IZY !

Mpitarika : Eny tokoa Tompo ô, Ray Masina, Andriamanitra mandrakizay, mahefa ny zavatra rehetra, mety sy mahavonjy ny isaoranay Anao amin'ny fotoana rehetra sy amin'ny toerana rehetra, amin'ny alalan'i Jesosy Kristy Tomponay, Izay tia anay sy nanolo-tena hamonjy anay ; amin'ny alalaNy koa no ideran'ny anjely ny fiandrianaNao sy itsaohan'ny fanapahana rehetra Anao amin'ny tahotra ; ary iarahan'ny fiangonana any an-danitra sy ety an-tany midera ny Anaranao amin'ny fihobiana ; ary izahay koa ankehitriny, miara-manandratra ny feonay Aminy, ka amin'ny fanajana lehibe no ideranay hoe :

Hira : Antema 1 (Sanctus) Masina ! Masina ! Masina Jehovah Tompo ! Feno ny voninahitrao izao rehetra izao ry Tompo ô ! Amena !

(Mipetraka)

Mpitarika: RY KRISTIANA MALALA, AOKA ISIKA HAHATSIARO AN'I JESOA KRISTY IZAY MATY NISOLO ANTSIKA SY NITSANGANA HO FANAMARINANA ANTSIKA, DIA FANATI-PIHAVANANA NATOLOTR'ANDRIAMANITRA ANTSIKA, ARY AOKA ISIKA HIARA-MISAOTRA SY HIVAVAKA :

MISAOTRA ANAO IZAHAY ANDRIAMANITRA RAINAY, TOMPON'NY LANITRA SY NY TANY, FA NOHO NY FAMINDRAM-PONAO AMINAY MPANOTA MAHANTRA, DIA NOMENAO NY ZANAKAO LAHY TOKANA, MBA TSY HO VERY IZAY REHETRA MINO AZY FA HANANA FIAINANA MANDRAKIZAY.

Fiangonana : EFA MATY KRISTY, EFA NITSANGANA KRISTY ARY HO AVY AMIM-BONINAHITRA.

Mpitarika: NOHO IZANY RY TOMPO, RAINAY ANY AN-DANITRA O, INDRETO IZAHAY MANAO ETO ANATREHANAO NY FAHATSIAROVANA NY FAHATONGAVAN'NY ZANAKAO HO OLONA, NY FIJALIANY SY NY FAHAFATESANY, NY FITSANGANANY TAMIN'NY MATY ARY NY FIAKARANY TAMIM-BONINAHITRA SY NY FIFONANY MANDRAKIZAY HO ANAY, KA MIANDRY SY MITALAHO NY FIVERENANY IZAHAY.

Fiangonana : AMENA, AVIA JESOA TOMPO !

Mpitarika: ANKEHITRINY, RAY O, AIDINO NY FANAHY MASINA MBA HAMENO NY FONAY KA HANDRAISANAY TOKOA NY TOMPONAY AMIN'NY FINOANA VELONA AMIN'IZAO IZY MANATONA ANAY AMIN'IZAO FANASANA IZAO. FA NY FANAHY MASINA NO AHARIANAO, AMELOMANAO, ANAMASINANAO ARY ANOMEZANAO ANAY NY ZAVA-TSOA REHETRA.

Fiangonana : AMENA, AVIA FANAHY MASINA !

Mpitarika : MISAOTRA ANAO IZAHAY RY JESO KRISTY TOMPO Ô ! MIDERA NY ANARANAO IZAHAY RY ZANAK'ANDRIAMANITRA LAHY TOKANA MPAMONJY ANAY ! ANKALAZAINA ANIE HIANAO NOHO NY FITIAVANAO IZAY MAHERY NOHO NY FAHAFATESANA. ARY IZAHAY IZAY TONGA ETO ANATREHANAO HIOMBONA AMIN'NY LATABATRAO DIA MANGATAKA MBA HAMPIRAISONAO AMINAO, OHATRIN'NY SAMPANA AMIN'NY VOALOBOKA. AMPIANARO HIFANKATIA TAHAKA NY NITIAVANAO ANAY IZAHAY, ARY AOKA IZAHAY HIARA-MANANA AMIN'NY FIANGONANA MASINA MANONTOLO NY FIONONANA SY NY FIFALIANA AMINAO, DIA HIANAO IZAY MIARA-MANJAKA AMIN'NY RAY SY NY FANAHY MASINA HATRAMIN'NY TALOHA INDRINDRA KA HO MANDRAKIZAY.

Fiangonana : AMENA !

Teny Fanorenana sy Fanamasinana (Mitsangana)

Mpitarika: JESOA KRISTY TOMPONTSIKA, TAMIN'INY ALINA INY IZAY NAMADIHANA AZY DIA NANDRAY NY MOFO, ARY REHEFA NISAOTRA IZY DIA NOVAKIANY KA HOY IZY :

“RAISO, HANO, ITY NY TENAKO IZAY OMENA ANAREO, IZAO NO ATAOVY HO FAHATSIAROVANA AHY.” ARY TOY IZANY KOA NY KAPOAKA REHEFA NIHINANA, DIA HOY IZY: “MISOTROA AMIN'ITY

HIANAREO REHETRA, FA ITY NO RÀKO DIA NY AMIN'NY FANEKENA VAOVAO IZAY ALATSAKA HO AN'NY REHETRA HO FAMELAN-KELOKA. KOA NA OVIANA NA OVIANA NO MISOTRO IANAREO, DIA ATAOVY IZAO HO FAHATSIAROVANA AHY.”

MISAOTRA NY RAY, IZAY NAMPAHAMENDRIKA ANTSIKA HANANA ANJARA AMIN'NY LOVAN'NY OLONA MASINA EO AMIN'NY MAZAVA. AMENA !

Hira (Agnus Dei) 117,1 (Ô ry Zanak'Ondry, he Ianao nijaly !)

Mpitarika : EFA NANDRAY NY FANAHY MAHA-ZANAK'ANDRIAMANITRA ANTSIKA ISIKA, KOA IZANY NO HAHAFAHANTSIKA MANATONA NY RAY, MIVAVAKA HOE :

Fiangonana : Vavaka nampianarin'ny Tompo

Fanasana

Mpitarika : NY MOFO IZAY VAKIANTSIKA DIA FIRAISANA AMIN'NY TENAN'I JESOA KRISTY TOMPONTSIKA. NY KAPOAKY NY FISAORANA IZAY ISAORANTSIKA DIA FIRAISANA AMIN'NY RÀN'I JESOA KRISTY TOMPONTSIKA.

HOY NY TOMPO : ANDEHA FA EFA VOAVOTRA AVOKOA NY ZAVATRA REHETRA ! ARY ENTO IRETO KA ZARAO AMINAREO REHETRA.

FANDRAISANA

Hira : FFPM 261 (Ankehitrilo no isehoanao,...!)

Teny fampaherezana (mitsangana)

Mpitarika : JESOA KRISTY TOMPONTSIKA IZAY VOAHOMBO TAMIN'NY HAZO FIJALIANA KA NITSANGANA TAMIN'NY MATY NO EFA NANOME ANAREO NY TENANY SY NY RANY IZAY NANAVOTANY ANAREO TAMIN'NY FAHOTANA REHETRA, IZY ANIE HAMPAHERY SY HIARO ANAREO AMIN'IZANY AMIN'NY FINOANA MARINA HO FAHASAMBARANA MANDRAKIZAY. HO AMINAREO ANIE NY FIADANANA !

Fiangonana : AMENA !

Hira : FFPM 480,1 (Mamin'ny foko, ry Jeso ô !)

FILAZAN-DRAHARAHAN

RAKITRA

Hira : 460 (Ario ny tahotrao !)

Fanolorana : (mitsangana) (Ry Tompon'ny harena ô !)

(mipetraka)

Vavaka fisaorana sy fangatahana

(mitsangana)

TSODRANO

Hira : FFPM 648, 1-2-5 (Miambena izao ry fanahiko!)

Mpitarika : HO AMINAREO ANIE NY TOMPO.

Fiangonana : ARY HO AMIN'NY FANAHINAO.

Mpitarika : Tsodrano

FAMARANANA

Mpitarika : VONINAHITRA HO AN'ANDRIAMANITRA RAY SY ZANAKA ARY FANAHY MASINA IZAY HATRAMIN'NY TALOHA INDRINDRA SY ANKEHITRINY ARY HO MANDRAKIZAY. AMENA !

MANDEHANA AMIN'NY FIADANANA, KA MANOMPOA NY TOMPO !

Fiangonana : ISAORANA ANIE ANDRIAMANITRA !

AMIN'NY ANARAN'ANDRIAMANITRA RAY, SY NY ZANAKA ARY NY FANAHY MASINA. AMENA !